

湖  
海  
詩  
傳

湖海詩傳卷四十三

青浦王昶德甫輯

張興載

字坤厚江南華亭人貢生候補訓導有寶稷軒詩存

蒲褐山房詩話坤厚性情靜穆而體氣清肅無心於科舉雖例選廣文非其素尚也詩不多作而中矩中規無乖風雅能操著本于尊人玉壘玉壘本之從叔幻花先生蓋易道參天兩地而倚數故後來數術如太乙下行九宮風角壬遁之術無所不包而孟喜卦氣康成爻神虞翻納甲荀爽升降京易飛伏皆可細繹而推之然孔子獨取大衍之數入于繫辭因易以出贊神明非此無以通陰陽之撰造化之微而周禮太卜掌三易皆以著爲用其占動者既玩本爻之辭兼變爻之辭六爻不變則收大象之辭左傳所載十餘條其辭不同周易者則爲連山坤乾其云以周易筮者則爲文王所繫之辭此古來著法之大凡也易學衰微號通經者亦復不知著莖子數十年來惟見宛州太守黃岡張君鳳鳴雲南總兵錢唐華君封善用其術所占無不驗者著法京房而後改爲父母兄弟妻財官鬼游魂歸魂之說及六朝以十有八變爲煩改用金錢而揲著益失其傳坤厚大抵本之易學啓蒙而古法具在予故命孫紹青往受其業庶以廣聖賢之數學也

唐六如村居圖卷歌爲姚芳澈賦

吳興公子嗜好殊愛客出示村居圖自云此圖六如筆珍襲

不啻青珊瑚我恨六如多贗本魚目慣以明珠呼欣然展視  
明兩眼毫端神秀難描摹煙巒一碧秋遠近江樹十里雲縹  
糊天光水色浩無際涼風彷彿生菰蒲就中一人擁書坐風  
流瀟灑清而癯硯田活計不足恃可憐紡績勞妻孥吾聞先  
生落拓不偶世但解絃管醉紅襦鉛華十載南國夢解首猶  
復矜區區觀茲畫意與願左得毋老大懷吳都太平日月容  
繡傲思歸耕鑿隨農夫世外桃源覺荒幻海中蓬島知虛誣  
卷圖一笑謂公子卧遊今日其仙乎

吳蒿田齋中敬觀先文敏公白描大士像

吾家從父筆奇矯書畫出手天然好御評八法繼護之十  
萬麻箋流布早臨池餘技及梅花鐵榦斜斜萼佼佼吾生已  
晚不識公媿乏囊錢收法寶

法寶二字本  
御題天瓶齋帖

一朝忽瞻滿月容癡

雲居士舊祈禱瑞像知仿十洲仇心經兼摹松雪趙

欽云仿仇英畫相臨

趙孟頫書經送

莊嚴瓔珞影鬢髻衣摺無多澹墨端得未曾有珍

重看歡喜贊嘆熱龍腦底須更圖紫竹林恍疑身在普陀島  
吾聞從父悟三乘慈雲妙相由心造是幀臨寫更絕倫人書  
到此俱已老相見明窗下筆時海波無聲佛日杲留傳宛有  
神護持篋衍適逢我探討敢啞故友葛蓀田廩鼎示人太草

草

萍田名泳善摹文敏公書畫

### 岳祠銅爵

爵高五寸六分中容四合重四百八十九銖中鐫  
精忠報國四字左側有小印曰岳珂建造今藏桐  
川金鄂巖家

半角山河不復存靈祠宗器照乾坤孤臣地下歆家祭異代

人間識酒樽碧血長埋三字獄黃封想紀九重恩

珂有紀恩詩

繡旗

涅背摹文在一奠南枝一愴魂

太息紅羅輟岳旗背鬼痛飲竟無期君王繼統旌忠孝名將生孫奉鼎彝綠醕百分澆墓日丹心一寸勒銘時憐他魏國

鎔金盃賞與三軍世不知

裴俊鎔金盃飲兵將將官卽以予之見四朝間見錄

沈靖

字安成鎮洋人諸生早卒有葑園詩鈔

游千佛山

步出城南隅風日弄晴態青山迎面來婉孌靜可愛雲霞條興沒林木互掩藹拾級躋層巔聳身出塵界冰洞宵以深凍泉落珠琲雪消石磴淨苔古佛髻戴琳宮夢響沈諸天花雨灑振衣千仞高憑闌萬景會鵲華舞烟鬟娟然妙相對間以

蓮子湖湖波激清籟勝情虛十年放眼始一快斜陽促我歸  
臨風發長慨

銅陵舟中望九華山

昨過五松下置酒恣瞻眺扁舟任超越奇景迭縈繞兩岸紛  
蒼霞沿江媚幽篠推篷揖九華奇秀入襟抱連峯旣妮嬾單  
椒復窈窕木落黛更清雲動氣逾悄陰厓垂古藤夕霏潤衰  
草行役信悠悠羈愁正渺渺濠梁莊子樂青山謝公老遠游  
豈所歡聞道苦不早何時弄烟霞貞素常自保

正月十九日大雪同家兄赴吳趨卽送其計偕北上  
開蛾節初過氣候益凜烈紙窗朔風鳴曲澗凍泉咽晨起呵  
庭柯院宇皓以潔初疑現空花旋訝霏玉屑所嗟負米游年  
年怨離別阿兄上長安病羽思振刷辦裝本無資內顧更憂

短衣不掩踝布被冷如鐵衝寒涉長途行李致蕭瑟眠食  
祝高堂相對兩難說同舟一夜心輾轉夢恍惚行矣慎羈旅  
雲路自空濶平安早寄書屈指在三月惘惘送遠行依依瞻  
魏闕好待東風和冰花散林樾

簇蠶詞

南山桑葉春萋萋大婦中婦相扶攜手執籠繩上山去采桑  
飢蠶欲齊蠶簇編成蒿草細密室無風紙窗閉三眠四眠  
蠶長成焚香更向蠶神祭蠶娘辛苦蠶不知但願今歲多新  
絲不織流黃不織錦將絲換米療我飢誰家艷服光耀日皆  
自寒閨手中出

雨中渡清江隔

急流東縛怒不平十里五里先有聲峭帆無力不可上兩岸

衝激方旬旬飛廉惡劇送雨至打頭逆浪如雷轟船頭高下  
船尾橫榜人股慄目盡瞠我身託舟舟託水性命直與洪濤  
爭長繩百尺當頭縈如魚登木蟻磨行道旁擊鼓兼鳴鉦千  
夫踴躍心力并須臾出險雨亦晴一輪紅日將西頃急呼杯  
酒坐斟酌蓬牕掩映波光明舟行逆水總如此風波小試何  
須驚

題十八羅漢渡海圖

海天莽莽吹怒濤騰波胷胷驚回颺百靈雜遝蜃樓現黎衣  
金縷來飄飄寶纓梵相盡奇古妙光照耀三山椒一人攜杖  
驅馬騎一人執拂鞭神鼉驪龍天矯奮長鬣猛虎馴伏無雄  
虓一人合掌坐奇獸非貓非隸非歇孺枯槎七尺四人立便  
衣埽塔長眉飄鯤鱗螺蚌各浮渡蓮花蕉葉輕乘潮是時月



上風怒號沈雲黯黯星辰高天吳前導罔象懾呵噉萬怪皆  
潛逃神珠熠熠海童立天琛隱隱雲旗扃自從象教入中國  
抽衣解髻元言超阿難化身幾萬萬玉書一冊愁烟消窮溟  
跣蹕古所歎亦有挂骨悲岑巖踏流飛過著奇蹟笑彼勾水  
浮堂劫吁嗟眾生那得渡徒示幻相愚童髻大千世界盡極  
樂何必托鉢松花挑幾時晨風送爾去各返靈鷲間逍遙畫  
師傳神筆侖僑無諸奸黠窮纖毫黠丹黠粉細點染奔雲屑  
雨紛蕭騷紙窗展玩嘆奇絕但覺耳畔聞颼颼夜深放歌愁  
老蛟一笑辯舌豐干饒

靈芝歌爲述庵先生賦

許慎作解字芝也稱獨神春風飄搖吹不起要待和氣培靈  
根我公家住九峯側流傳世澤高名門先人丙舍鬱佳氣百

弓地占秧田。滋惟春二月。歲辛亥。墓田百草爭懷新。挺然一本最奇異。重英連葉房。初分乍疑蓬萊山。頂墜下丹鳳。腦又疑珊瑚海底現。出蒼龍鱗不然九光七明盤。椀石崖上松枝百丈何時却吐凝脂痕。經時不凋亦不萎。堅貞之質同雙麟。寶光夜射七寸鏡。毋乃種自句曲三茅君。採之展玩洵可寶。藏以錦匣流清芬。傳觀四座盡色動異瑞。可以垂千春。我聞芝草本是月精化。玲瓏幻出神功存。瓊田瑤島衆仙宅。中有靈氣交氤氲。玉胎墮地色溫潤。鹿銜鳳吐各各全其真。銅池宛宛九莖耀。玉殿肅肅三花尊。王者偶獲見奇產。猶然作咏來。儒臣佳城葱龍乃得此。遂令遠近爭傳聞。是時先生位通顯。席上一一羅奇珍。芝生乃是得人瑞。惟家之慶實國禎。竭來歸田返初服。漁莊春水方粼粼。摩挲此芝意不厭。寶蓋爛

烟含精純入山靈寶那用佩笑彼博戲鋤崑崙願公沃以湛  
湛之甘露覆以縵縵之祥雲奇英世所貴常保德潤身金容  
玉華互映發山中歲月仙人長歌紀瑞詞不支傳之足與  
齋房露寢同芳塵

畫山水歌贈嘉定陳進士

詩庭

平生具勝情蹤跡困株守竭來看畫嘆神奇大好江山落君  
手吾妻畫手推三王流傳尺幅珍琳瑯咫尺千里縱遠日晴  
天風雨生虛堂陳侯愛畫入骨髓論畫真能得畫理解衣盤  
礴工揣摩山真山兮水真水當其作畫凌晨隴廩一斗松  
烟新觀者屏息不敢議待君揮灑驅煙雲陳侯對此雙眸定  
旁人呼之曾不應須臾落紙墨花飛神致如生氣雄橫乃知  
此事非苟成用志定者神斯凝包鼎畫虎作虎勢于昂畫馬

作馬形君也胸中置邱壑遂令下筆烟霞生豈惟丹青擅奇  
絕陳侯才調真超越風月俱歸濯錦腸咏歌自掉生花舌錯  
被人間喚畫生畫生名字人爭說陳五自號畫生今年握手常相於知  
君學古良非誣好將餘事寫縑素經營亦自開榛蕪乞君更  
試淋漓筆爲補西窓剪燭圖

### 大風渡黃天蕩

檣頭五兩晨飄颻熈微旭影涵山椒舟行難得好風日江平  
似鏡晴烟拍十幅蒲帆疾於鳥蓬窓盡拓波光搖金焦兩點  
忽明滅鍾阜天闕紛相招須臾逆浪如山高沈雲黯黯風怒  
號江豚搖尾作人拜巨魚奮鬣乘波驕奔騰澎湃不可睹船  
頭白雨如珠拋長年色沮我獨喜中流擊汰心神豪陟險安  
能恃忠信賦命本薄輕波濤詩成擲筆驅靈潮狂歌拍手驚

老蛟如斯壯遊亦不惡笑彼蹤跡淹蓬茆石城明日更回首  
一江奇境煩鉤描

舟中聞雁

蓬窓寂寂悄寒生嘹唳霜天幾雁聲似爾迢迢方北鄉有人  
憔悴尙東征夢回鄉國風初厲水落沙灘月自明一紙家書  
何處寄暮雲千里不勝情

蕪湖江行

一棹纔過捉月亭魯明江口復揚舲磯頭雲氣封祠樹山外  
禽聲和塔鈴客路尙憐吳岫碧波光遙接楚天青行人莫唱  
湖陰曲樂府淒涼不忍聽

壽述庵先生八十

優游杖履澱湖濱綠野堂中樂事真南極星辰原拱斗東山

歲月自長春名高四海尊者宿身歷 三朝重老臣投綬歸  
來俄十載夢魂猶自戀 楓宸

留藏萬卷氣如虹早歲聲華達 九重掌制樞庭常瀑直紆  
籌幕府又參戎馬卿喻蜀文偏重韓愈平淮筆最雄麟閣曾  
聞同錫宴書生奇遇幾人同

常持英蕩走駢驂 帝眷良臣命屢覃觀象乍傳虛貫索  
量才又喜盡榘楠胸襟何止容卿百事業真兼不朽三十畝  
漁莊歸去穩杏花春雨滿江南

鬚眉如雪劇清臞 賜杖行春手自扶白傅早編長慶集伏  
生還有授經圖皈依馬帳皆名士聲價龍門仰大儒玉筍班  
中諸侍從從游多半是門徒

選樓高迥與雲連盟主騷壇六十年鐵網論才羣彥集弓衣

繡句百蠻傳案排綈槩陰逾惜筆吐滂葩老更妍海內文章  
歸月旦篋中行卷手親編

校讐攷訂互喧譁正業誰人建斗杓經術源流兼漢宋詞章  
根抵溯風騷學通今古才猷富養到身心氣象超更向行藏  
徵定力歲寒松柏信難凋

徐熊飛

字渭揚武康人貢生有白鵠山房詩鈔

蒲褐山房詩話渭揚生長吳興得山水之勝故詩多清峭風骨超然與王柳村石  
遠梅吳楚諸詩人絃詩門酒江湖名士未能或先阮芸臺中丞開話經精舍于西  
湖上招集浙中文士三十餘人而春華  
秋實兼顧其長者亦當以渭揚爲翹楚

白蘋洲懷柳文賜

山椒微微風陵茗媚芳澤遙瞻隴首雲忽憶瀟湘客汀洲澹  
容與一鳥破寒碧波影霽澄輝蘋花吐微白何處蕩舟人漁

歌遠天夕

宿竹林庵懷邵童溪敬

僧房竹樹青雲影在空翠無風花自香寂歷得禪意山空天  
早寒鐘定月西墜風泉度遙嶺石髮冷平地荒徑百蟲喧圓  
蒲一僧睡入山君有期采藥我先至飛夢落遙天涼秋千里  
思

石遠梅釣招同邵子雨

湖

金雪槎

學潮

自支硎山抵

天平兼尋下白雲洞

繫纜青楓根看山白石路人家交爨煙雞聲竹中度林巒媚  
秋爽節序感新故溪雲淡不流籬花寒未吐崇岡引西嶺樹  
色莽迴互飛蘿裊空巖山鬼睇寒霧行行就遙岑尋途日將  
暮



白雲釀泉源秋響滴巖洞下有金光草神仙帶雲種入門石  
氣青松鼠竄梁棟牕誼竹籟繁庭暗蘿陰重空香從何來冥  
心與之其天花不著我無勞梵聲諷

商山四皓博奕圖

商山四老人高帝不能致太子在青宮招之等兒戲我疑留  
侯出奇計優孟衣冠定其事不然四皓已鴻鵠與人家國復  
何意風吹長陵一抔土商山如龍欲飛舞英雄遺叟兩寂寥  
畫圖彷彿鬚眉古泉聲潺潺溪路長連山曲折通石梁上有  
幽竹羅平岡四人圍碁坐相對耳邊寂歷松風香浮雲隨風  
去不息石上靈芝光五色在山不奉明主詔豈肯爲人作羽  
翼黃石素書精入神董公奇策叩馬陳漢家舉事多老人姓  
名一種垂千春入宮天子駭顏色何人能辨僞與真君不見

赤松仙人不問世意態自是無懷民何必出而圖吾君

仙人篇贈王柳村

歌

仙人意氣凌滄洲振衣天末之飛樓大江西來數千里煙波  
日夜窓中流乘雲追風結遐想落日倒景空巖幽素琴彈清  
商石上風颼颼明月出江水白鶴聲相求碧桃參差已成實  
一開一落三千秋飄然從風下吳會有時倒鞢黃金虬太湖  
三萬六千頃化爲美酒浮糟邱仰攀斗柄對天酌醉來不脫  
青貂裘笑謂安期生爲我彈箜篌飛泉無聲紫霞夕西風落  
葉驚梧楸翩如征鴻不可留臨行贈我珊瑚鈎手無蒼藤綠  
玉杖安得萬里從之游芙蓉落青天白雲無時休瑤草一以  
秀麋鹿呼其儔我欲揚舡弄秋色風塵不上沙棠舟三山二  
水倘相待與君浩蕩隨輕鷗

唐睢帶劍上殿圖

虎狼之秦誰敢撓布衣一怒天子驚彼何人者唐先生千將  
出匣搖秋星攬衣上殿辭不屈叱咤萬乘如孩嬰畫圖兀突  
森勇氣劍光上逼秦皇帝堂高九尺北風寒貫日長虹色凌  
厲先生受命安陵君獨持大義摧狂秦不然彤庭盛環衛玉  
具那敢批龍麟安陵之地五十里危哉賴有先生耳從來大  
勇由義立白髮盈頭皆上指乃知生刼非良謀匹夫之勇誠  
堪羞荆軻七首隨銅柱自此秦王并九州

偕耕南先生訪金山人

鐫

鴈鴝逐婦林梢啼雨無其極風淒淒鶯花一半到寒食穠桃  
亂點春郊泥今朝霽色滿平野鴨頭水長青玻璃過橋曲折  
苔徑滑免葵燕麥連荒畦江邨自古足魚蟹五里十里循沙

隄人家高下掩松竹茅屋向背忘東西暖風昨夜破萌甲門  
前楊柳青絲齊辛夷百尺花照眼破籬掩映紅棠梨孫登祠  
屋綠蘿擁歲久寂寥成招提粥魚齊鼓動清晝石臺人靜風  
幡低松聲一屋醒午夢山人睡起扶青藜我從束髮客滄海  
好求遺逸尋巖扉相逢何物可持贈門前香草生清溪影堂  
相對悟禪寂吾無隱爾花成蹊歸來步步踏明月浩歌驚起  
雙鳬鷺

楊蓉裳吳瘦夫石遠梅邵子雨金手山王柳村同集

金閨亭送蔡芷衫先生

元春 歸金陵

太湖秋水生輕帆疾於箭蔡侯渡江來手持白羽扇金閨門  
邊一相見華髮盈頭目如電飄然引我離風塵芒屨同踏青  
山雲興來題詩滿僧屋長虹破壁搖星辰大江西來裂地走

昔日曾攀武昌柳招呼白鶴登峴首氣吞雲夢有八九歸來  
坐嘯碧山月天下詩名滿人口卽今七十身尙強上山下山  
衣履香西風鴻雁去不息目極萬里天蒼涼天平山中白雲  
洞菖蒲花發清風送叔夜常隨麋鹿羣景純不斷游仙夢坡  
前倒拖綠玉筇濯足飛瀑摩青松文章知己古來少今日之  
日俱相逢酒闌握手斜陽暮笛聲吹出長亭樹湖山秋色正  
蕭爽草莽交情肝膽露一夜鄉心向秣陵復持羽扇橫江去

同子雨宿山寺觀燒

木葉落盡山蒼然風晴鵬鶚盤清天江鄉十月罷農事村舍  
遠近鳴鳥爲故人招我入林去荒徑百折東舉旧遶山行歌  
足不倦松柏十丈流飛泉岡頭佛屋壓山破紅牆綠柱紛相  
連入門洗足深夜卧星斗爛漫臨窓前道人忽報山燒發攬

衣同上青山嶺長虹怒飛幽谷底一片騰出空林烟廻颺亂  
捲赤龍立電光疾掃朱蛇懸紅輪饒鳥互出沒影入空翠爭  
盤旋雷公長驅爆山骨丁女振彩行珠駢燔毛燎血舞零亂  
千尺遙見紅雲旃狐狸跳踉木客道黃蘆苦竹空竿綿廻岡  
斷壑不可阻餘燒化作空中蓮吾生奇氣頗自許對此便欲  
成高騫天風吹人立不定山頭笑拍洪崖肩歸來一枕北窓  
夢鐘聲敲斷人閒緣

訪柏谷上人

維舟訪導師蹤跡白鷗知水遶一村竹花明何處籬香臺尋  
舊跡禪意入新詩縹緲聞鐘磬斜陽客到時

吳梅村先生墓

靈巖山色暮雲開高塚荒涼積翠苔感遇自憐青史在思鄉

要乞白衣回茂陵玉枕初明恨江左牙旗庾信哀依舊東風  
吹秀麥牧童驅犢上琴臺

題顧晴沙先生

光旭響泉集

輪臺西北路漫漫戀闕思親去住難雲外蛾眉筇杖老塞  
門風雪佩刀寒文翁治化通羌部充國聲名重漢官歸卧九  
龍山下月飄然烟水一漁竿

寄顧晴沙先生

賀蘭西去鼓鼙聲轉粟當年正用兵王塞橫刀家萬里鐵衣  
磨盾夜三更論功絕域風吹角投老荒江月照城絲竹登臨  
多感慨未能高卧爲蒼生

金 棻

字誦清錢塘人監生候補員外郎早卒

蒲褐山房詩話誦清生長綺羅性耽書畫昔集明人法書刻之名清嘯閣輒允愛  
憚南田筆墨搜藏獨富所至山水勝處輒有題名詩才純雅如幽居秋晚云蒼苔  
猶有色黃葉欲舞聲吟籊云隔院暉疑霧齊憺不礙風寒食雨中泛湖云潏潏欲  
遮山寺塔殘花半露酒家樓理安詩云藏經樓抱千重樹法雨泉飛四面山亦堪  
諷詠年三十餘而歿  
西泠同學皆爲嘆惋

### 葛嶺

鳴泉落幽澗始與澄湖通葉葉釣魚艇搖漾空烟中沙禽白  
於雪深映葭葦叢幽尋行徑紆忽欲迷西東遠見江外山螺  
髻紛青葱

### 蔣莘

字覺夫號于野元和人諸生有水竹莊詩鈔

### 林屋洞

靈山據湖濱石路苦紆曲筍輿自南來遠遠度層麓壁立于  
丈峰誰人剖其腹山根盡倒懸仰視不敢觸剪草除蛇虺取



經問童僕鼓勇着先鞭側身入窮谷斷碣掃莓苔鳴泉散珠  
玉舉步歎泥濘屢欲蹶雙足隔凡別有天不夜須秉燭靈威  
尙可逢奇字渺難讀六書恐未通欲往慙縮朒

山行

山行無遠近好景若爲招寺古藤當瓦溪幽樹作橋酒帘晴  
撲絮錫市晚吹簫指點西林去言逢谷口樵

曉起

疎柳剛新沐空庭宿雨過鳴蟲催曉急病葉到秋多苔老階  
猶滑池平水不波閑窻續殘夢清境落巖阿

蔣徵蔚

字應質元和人諸生有經學齋詩集

蒲陽山房詩話于野兄弟時號三味應質之名尤著應質賦才相異年未二十已  
能讀羣經註疏又通周髀說文之學阮伯元閣學視學浙中稱爲小友死之入幕

徧歷浙東山水奇勝其詩或清新微妙或渾灑紛紜靡所不有與予同至揚州曾  
題使賓谷亦愛重之在竹西殘餘得風送三載未齊恐即錦早遺江花已謝不能  
復唱渭城也

### 山居漫題

芳草有古意白雲多逸姿何須不得志始卧南山陬朝食竹  
閒笋夕剪園中葵偶然步谿上林影吹參差君看巖石下谿  
流無盡時

### 春山

春風來幾日吹綠門前山白雲如識我挂在高松閒我欲采  
芝去獨行積翠灣紫芝不可得日暮荷筐還

### 月下懷

明月照我幃廣庭宿霧濕空閨自生寒不爲西風入天高木  
葉下夜永砧聲急望望隔秋河露涼空佇立

南峯寺

斜陽下招提雲霧不沒嶺隔籬清磬聲山色涵虛景  
髮投石門蘿雨濕衣冷空龕下落葉古木翳深井高僧一以去留  
此清絕境觀泉體心涼撫琴來鷓鴣聽待叩棲禪關我識支公  
影

山中晚歸

白雲生莫陰飛度高峯嶺但覺松風涼不知歸路暝循谿過  
蘭若山僧入禪定新月煙中流微茫辨蘿徑

石公山

驚波不肯斷斗絕數峯矗山石備萬象澎湃轉地軸長風駕  
高浪落葉號古木秋色湖上來蒼然瀉寒谷巖乳垂離離嵐  
氣森肅肅洞櫻古龍蟠石怒猛虎伏歸雲字罅漏孤松一頂

禿髮巢竄鼯鼠空明飛蝙蝠石琴與石梁勢似鬼工築劍樓  
聳天畔雲梯架山麓造化供彫鐫取象一何獨是時秋雨餘  
朔夜月當牖絕頂望煙螺罨靄波中綠居人傍巖坳霜清橘  
綠熟長嘯來鶴嶺試伴猿猱宿

### 雨宿包山寺

雨過衆山昏湖光尚餘景殘鐘度谿水言入招提境落花滿  
蘭若而佛得所請山僧四五人導客煮清茗遠響振寒葉莫  
靄散鹵嶺雨止松色深寒潭照人影濕翠牕戶寒坐覺秋衣  
冷夜久寂聲聞禪心半偈永何待鐘魚清夢覺發深省

### 縹緲峯

七十有二峯縹緲此獨尊直上勢無地半嶺風煙昏罡風吹  
古木天闕手可捫驚波流足下倒插虛無根絕頂俯吳越窮

髮留青痕煙驪馬蹟出森掣東溟奔萬山泄尾闕蒼然歸海  
門龜鼉自拜舞烏兔爲吐吞嗟此左神居金庭至今存青鸞  
不可驂何由眺重閣倒景俯長嘯壯觀誰與論

跋萬氏石經考後

漆書定蘭臺偉哉議郎力張馴

水經注作訓恐誤

與日禪當時固名德

皇皇闢堂門落落深鐫刻碑成萬手模車兩自填塞雖喜聖  
籍尊可惜漢運亟洛陽旣淪陷銅駝盡荆棘四十有六枚存  
毀固非一正始紀衛恒延昌傳江式師法無差譌水濡而火  
熄誰遣爨爨馱荷此大手筆遭阨遇石虎陝津痛沉蝕兵燹  
之所餘金寒水能泐自此下唐宋各見樹岩崩要夫尊經功  
陳留其首特道元論碑數紀載不可及黃伯思趙明誠逮董  
適洪适諸家辯無忒寧人及太泮踵事最詳悉善哉萬先生

繼起奮補緝力洗齟齬辭論一常得十我思古經存乖僂勢  
孔岌苟非立碑石參謬孰能識亥豕帝虎文賢聖同一泣書  
偽易禮滄此事足於邑再拜告學人識字本所急

永樂二十季古刺水歌

罐上鐫云永樂二十年熬造古  
刺水一罐淨重三斤罐重四兩

孟養之鹵吾洞南擺古濱海緬所貧哀牢山連九隆地暹羅  
大甸交戈鐔忽哥子死沐英鎮荒徼草面紅牌函永樂四載  
始入貢潑地那浪譯所請宣慰司一長官一分疆直到茶山  
嵯芬陀水制厥包貢得無遠汲蘭滄潭深宮密合黃封署熬  
成細字鐫金盞是時南交正深入鬼方遠克三年三揚威查  
里張撻伐土酋膽落羈縻甘此水自隨戎幕進甲煎沈速花  
香含一甌擎至宮娃遞氛氲願似君恩覃御衣小娃清殿閔  
船回取寶洋彝趁北征歌凱獻捷罷四方無事戎馬戢以後

方物計歲入洪熙宣德蠻荒妣土木難興失遠略達賴蠶食  
何能堪木邦益密互吞據六宮遂絕香篝醢流傳小物亦非  
偶控馭殷鑒知誰儋前朝事往遠增慨銅僊鉛淚將無慙

崔道母伏生授經圖

入關未除挾書律六經燼餘紛補殘濟南博士抱脫簡二十  
有九數不刊頽川掌故朝家令奉詔往授智則嫺老不能言  
女傳教衛宏序語來無端惟生壁藏有明據正史遷固文難  
刪歐陽夏侯親著錄再傳尙得聞兒寬堂堂漆書豈不貴何  
必呶啞煩雙鬟登來貨化語言異後儒穿鑿興波瀾當時實  
事本非是師古引用難詰盤航頭僞誓太康末古文孔壁巧  
索瘢一手力掩萬耳目出奴入主晉宋還紛綸割限界今古  
枚隲劉焯膚無完顧此傳聞事非一畫師今得觀崖丹丹也

崛彊節介士窟室餓橐甘飢寒獨解稟聖愧浮學落筆深意  
存其閒智藝刻削激國變尙由與藎高難攀弟子流傳失師  
說事或可信非等閒紛紛疑竇特障我讀畫直作掣經觀

謁王文成公祠

良知學始文成公左顏右孟相繼容心齋語固出莊容尼山  
一貫將毋同初歷曹郎見風節龍場謫豈吾道窮苗獠化道  
居非陋蠻貊行矣本諸躬督師電掃淨橫瀾寧藩南贛空言  
功爾時讒佞惑輦鼓九華宴坐君心通程朱正學公豈背後  
儒自作長城攻鄉賢有派足興起公非於陸無折中白沙定  
山雜儒釋況公並未稱禪宗二之蔽在無恥赤子心足開  
昏蒙庭杖旣聞上習廢閣門奔走斯流風公倡是學挽末俗  
狂瀾復漳歸諸東試觀後來士習爲三案與國持其終念臺



清修世所尚系出公學追公蹤東林高顧亦私淑九死必不  
附進忠實學之效乃若此有明一代昭發矇我過公里謁祠  
宇真才治世豐趺隆龍谿德洪皆嫡嗣猖狂止一顏山農大  
書壁間洗公謗在天正氣如長虹

海忠介公瓦章

其介可以擊貪吏其忠可以方比干三楊死後一疏上滿朝  
勸色嗟心寒市棺訣死誠如此海瑞之言無不是小臣犯上  
果何爲談笑原思付西市諫書紙紙飛血痕此瓦豈是連城  
珍職司風憲亦何事不隨玉石崑岡焚臣言是否臣不顧再  
起田間清節固瓦金玉碎豈容心鉛刀不折名如故稜稜圭  
角風霜多有如公節不可磨紅泥鈐處色黯淡當時手澤今  
如何觸邪不少懷中笏可惜讒言終猖獗休從地下說孤臣

此卽錚錚御史骨

向友人處借崔鴻十六國春秋長歌簡之

典午之末羣盜起七王骨肉爭相殘鹵河豪傑盡羗落元海  
首事開兵端先業奄有復五部聰曜更代謀中原洛陽再陷  
懷閔北風塵從此干戈昏潼關以東石虎起曰宏曰勒開其  
先是時流氏立李特成蜀五世據劍門趙顛燕熾眇也武苻  
秦崛興都長安五涼蠶食畢撲滅鮮卑乃見姚襄尊鄴城二  
燕繼餘閭馮氏不守來烏丸乞伏赫連互雄長遂使元魏定  
五源縱橫割據百五載私書記事繁哉繁鴻也條貫統其次  
一十六國實錄存序例旣分立年表終于馮跋始劉淵正光  
之末更史筆行世乃在宋以前

晁說之稱司馬溫公所考已非鴻全書知亡在宋初

崇文總目

不著錄此書自是無流傳唐志所表百二卷紀年乃紀江左

年今本紀年用  
偽國年號茫茫散失誰復補諸家采摭非其全錄略別本願

先出例以卷數稍殊懸嘉禾屠氏創緣起項琳繼作著述嫻

本之正史著其槩參之冊府究其煩今本乃明屠遷之與其友人姚士  
雄及琳輩取晉書載紀北史冊府

元龜等書  
為之者聯貫排比亦勤苦百卷之舊還大觀能事直足代刊

著戰國興廢可略言年表失傳序例闕校以魏史然乎然我

生信書斷前古私籍約略能攢研敢云傳經角嶽嶽頗善讀

史腹便便一瓿許借感至意傳鈔不待羅丹鉛其書同異具

可核有其作者垂不刊何人更補年表一繼以序例書乃完

長歌敢用告之世孰克勝任無愧旃

題董香光臨趙榮祿鵲華秋色圖

明湖秋水明如練我在江南不能見鵲華山色鬱蒼寒我向

吳興畫裏看此圖本是鷗波筆點染生綃誇第一癸辛街破

草牕寒流傳更到香光室香光妙筆擬鷗波平遠青山擁髻  
螺無端描出單椒影相見毫端秋氣多雙峯秀澤橫雲表莫  
靄朝嵐青未了練帶頻將跼注矐天容畫出睂痕小有時著  
意作深秋樹杪千尋紫翠浮兩點空蒼留不得風烟早已徧  
齊州三間屋近依山住本是齊州樓隱處可憐四水老潛夫  
苦憶當年山下路作圖聊復慰思鄉一段風流未可量只今  
讀畫多生趣想見丹青各擅場竭來我訪鷗波屋菡萏霜清  
殘竹木鵲華深惜不親游欲乞弁陽成小築

甲天下漢瓦歌

上有二鹿形考  
定爲衆鹿觀瓦

衆鹿之觀事有無闕沙鑄此形模殊秦代山河漢家土甲先  
天下徒區區石泐金洩何爲者可憐野火荒原下二穀風雨  
暗諸陵安用當年一片瓦惜哉此鹿抵死爭鴻溝以東交楚

兵三章約法漢業定失鹿得鹿皆虛名土石之餘存古氣壤  
瓦猶留天下字離宮百四盡寒烟太息功臣恩掃地函關雙  
峙雄哉雄天教隆準王漢中宮成燒瓦代刻石以耀萬世威  
無窮炎精墮地蒼鷺死屈指黃巾蛾賊起玉魚金盃劇悲涼  
陵谷滄桑嗟已矣嗚呼魚鱗斑剝空團團阿房之築開其先  
倘求碎鑠盟鐘鼎我向梁閒圻一輒

### 翠微菴

不識香林路前峯積翠重清泉迴別澗白日淡寒松看菊蠟  
山屐隔谿尋寺鐘空巖無俗駕老衲自支筇

### 人家

人家邨落古修竹護深廬小圃花苗長荒園菜甲疏清泉通  
暗井細雨入春勑莫問閉門客機心未有餘

橫山晚歸

秋氣與愁生秋山入望清晚鐘沈雨氣落葉聚風聲渚雁思  
羣侶陵茗哀故榮歸來掩關卧蟋蟀已宵征

姜萊陽祠四首

伏闕臣言慙端門拜杖時孤忠存諫草毅魄有生祠折檻心  
原苦銜刀命若絲如何國卹恨垂老獨餘悲

幾載園扉繫生全付杳冥一朝寬桎梏九死感雷霆國步悲  
江左家緣問敬亭鬚眉如可見冷落舊丹青

遙想批鱗日淋漓血肉飛生毋忘故國死尙著戎衣草莽終  
何補銅駝不可歸猶傳清節在未免北山薇

多難餘生劇完貞事苦辛寓公同令弟成卒慟孤臣糞土傳  
遺命殘碑說黨人精靈應不作山鬼護蕭晨

秋月

秋月如秋女蛾眉見一鉤含情託斜漢和恨在高樓玉露盈  
盈淚金波脈脈愁自憐惆悵慣爲爾怨牽牛

題費處士密遺像

蠻洞歸來客滄桑劫後身江湖寒布褐心史老遺民虎口人  
猶怖蠶叢句獨神淒涼懷故里愁絕草堂貧

賣藥師盧扁平生信有之上書辭漢日折節治經時亡命祗  
爲寇傷懷不廢詩如何談汐社山鬼只空祠

當日蘇門老高風邈羽翰自從師北面終不脫南冠五嶽支  
節過千言給札難等身遺著在留與後人看

到眼丹青古探衣作像殊半枯猶拄策獨立豈名儒展卷懷  
遺像焚香禮畫圖蒼茫心事在吾道莫窮途

無錫高忠憲公祠

弁冕東林海內推驅除奄豎似風雷  
殿廷慷慨持清議洛蜀縱橫奉黨魁  
國體尙留垂死日末流空屈濟時才  
沉淵幸不同楊左地下龜山笑口開

故里猶聞廟像真遺書終在表傳人  
九卿謬謬爭封事三案銀鐙禍縉紳  
講學敢存希聖志成仁纔見致君身  
一池清水澄千古漫說湘纍恨未伸

蔣夔

字希甫元和人諸生有青荃詩集

夏夜泛舟石湖

暮雨洗炎蒸涼意愜幽賞忽生鼓楫思  
渡頭理雙槳絲絲柳垂陰蒼蒼月初上  
微風靜不波綠水平於掌天空絕衆籟  
神



虛細萬象遠望烟靄中山色楞伽爽繫纜秋槐根明日支筇  
往

倚欄

木葉下汀洲蕭蕭逐水流江城三日雨塞雁一聲秋苔合澗  
逾碧竹深樓更幽倚欄無限意原不爲多愁

新蟬

自汲寒泉洗宿醒風來還向北窗迎翠簾翠地桐陰午卧聽  
新蟬第一聲

張彥會

字蜚文嘉定人貢生

桃花嶺

繞麓幾千轉泉聲杳不聞衆山迎面合一逕到關分天遠愁

飛鳥風高散暮雲幽懷尋古洞修竹掩斜曛

阮芸臺閣學招同錢可廬丈家子白江墨君攜尊過  
楊梅嶺至理安寺小飲

晴嵐層疊指吟鞭一帶松杉影接天疎磬出雲穿梵徑微風  
隔竹颺茶烟閒攜山榼歡遊最其叩禪關勝地偏莫道重城  
歸路遠尋詩還倚曲檻邊

湖海詩傳卷四十三

湖海詩傳卷四十三

三

湖海詩傳卷四十四

青浦王 昶德甫輯

郭 麐

字祥伯吳江人諸生有近游探梅會吟移家諸集

蒲褐山房詩話祥伯詩初效李長吉沈下賢稍變而入於蘇黃子題行卷云體其詞旨長思爲宗玩厥風華清新是尙如見縉叔贊許元度一流人物不患其過清而棄過變而枯過新而藏如姬傳儀部所云也

九月十四日同鐵門瘦生由六和塔放舟至范邨游雲栖寺留宿僧樓遲明下山循九溪十八澗至南山尋水樂石屋諸洞喚渡西湖以歸得詩四首

青山初論交見我猶偃蹇漸行徑漸深一曲峯一轉夕照遠忽明層疊出諸巘丹黃互虧蔽楓櫨間隱顯到此始畢呈自悔測山淺投寺已暝黑鹿羈勸餐飯微行更幽尋月上門未

健万竹圍森森羣綠不可剗月影或中穿下見人影短夜深  
鳥聲怪山好虎心善歸來臥聞鐘星星一樓滿

雲臥夜不瞑山心曉先寤木魚苦喚人已具朝餐故豈知居  
士心於法了無住老松沐朝暾瘦竹泣宿露竹杠一兜輕輿  
丁兩僧付表裏意猶戀曲折頭屢顧蒼蒼五雲山揮手墮烟  
霧江光盪我前上下天水素羣山如羣龍氣盛欲竟渡到此  
忽然止拘急有餘怒倂哉此壯觀橫絕見竒處過江山不來  
隔江山不去

夙聞幽絕處十八澗九溪昨行所未經逶迤尋其蹊稍稍遠  
邨落稜稜分田畦泱泱腳底泉清徹無沙泥泉流自東注少  
折反向西偶逢亂石疊鳴咽聲酸嘶一澗有一橋縱橫使人  
迷其上烏桕楓碧綠青紅齊垂藤結瓊碎甘酸同爐梨我僕

走流汗我行裘還披豈云變氣候對面分暄淒路轉山忽高  
仰面驚我低松陰得小坐角角哢午雞

歸塗遵南山欲上西湖舟南山多洞壑因以窮其搜煙霞在  
道旁已過猶回頭水樂洵清越鏗鏘戛琳球或云此海眼深  
黑蟠蛟蚪惜無好事人蛇行入其喉石屋乃呀呿鑿佛如摩  
喉其旁竟題壁斑剝成瘡疣山骨不自保汝名安能畱夕陽  
漸催人松風何颼颼黃頭急歸榜喚渡橫中流一夕理宿夢  
合眼羣山秋作詩如追逋但勿劖巖幽

寄鐵門武林

山雲草莽旱雲火赤日如繩繫難墮鳴蜩抱葉聲愈嘶野鳥  
闌園口尙哆樹杪寂無一葉搖草頭時見數花妥茶瓜不甘  
聊入脣几榻如焚屢遷坐倦鋪枕簟苦沾濡怒及蚊蠅亦么

麼得時看逞炎官炎失咲真成裸蟲裸高臥北窗病未能夢  
想西湖近尤頗一方明鏡滑琉璃萬柄蕩花紅髮蟻縱無涼  
月照嬋娟尙有明星燦嫋嫋故人欲去我欲來前約未忘今  
未果襍穢應知觸熱難招邀試待新涼可免目雖黃未要忙  
鷗波已白且遲我

七月十三日西湖夜泛作

去年七月西湖住賓從風流盛詞賦今年又復來西湖滿眼  
青山故人去青山不比故人好笑我今年去年老白傅堤邊  
漫溯洄黃公壚畔能潦倒湖舫小小如缺瓜亦有二八吳姬  
划水風微波急打槳涼露已溼紅荷華游舫外湖裏湖過眼  
中之人無一箇船頭獨酌仍獨謠仰看白月如槃大

錢武肅王小像前有開寶二年四月初七日追封制

書後有岳忠武紹興八年讚

錢王何人熊豹姿奮臂一呼去如雲馳羅平妖鳥奈何帝縛  
此自取真王爲宮中漏下龍不睡江上潮來犀弩利指揮畫  
斷十四州三世開門節度使謫諫能容羅隱狂豐碑尙得蘇  
公製想見英雄顧盼殊山頭石鏡凜髯須至今孫子雖爲庶  
猶抱丹青舊畫圖玉帶錦袍神颯爽隆準豐頤更廣顙璽書  
傳目開寶年上有芝泥大於掌更有雄詞讚者誰淋漓大筆  
蟠蛟螭諦觀姓氏紛涕淚細讀詞意懷肝脾當時南渡倉黃  
極名將中興首鄂國百戰百令牧馬南十年定擣黃龍北一  
朝和議紆邪蠱生縛將軍如縛虎埋冤三字死風波格天一  
德從歌舞誰言夢裏索錢唐再世婆留戀故鄉稱臣不惜朝  
廷小帶水依然吳越王此說荒唐我無取如此雄姿肯低首

當年倘復得將軍朱三爾是何難狗一卷分明見興廢兩朝  
南北須臾事龍節虎符蓋世才握拳透爪忠臣氣好語諸孫  
須世守會與世家垂不朽君不見鐵券文殘金堦荒金陀巷  
陌亦蒼涼錢王祠廟岳王墓士女年年弔夕陽

詠史

威弧弦矢直天狼逆命公然敢跳踉都尉自誇羊胃爛文成  
人說馬肝亡軍前星墜秋如雨幕上烏啼夜月霜聞道門難  
諸惡少爭攜刀劍事戎行

干戈蠻觸漫紛紜伊洛縱橫雜蟻羣惑衆王郎元卜者報仇  
呂母號將軍矛頭日漸輸邊米盾鼻先傳露布文肘後明年  
印如斗不知若箇策殊勛

仰蘇樓卽事和湘灤



雨後看山分外清斜陽不分作新晴樹搖殘滴有時響雲與  
暮煙相間生偶愛綠陰成久坐何來橫竹有奇聲老僧笑指  
蹣跚客偏向石頭滑處行

歷亭丈招同奚鐵生朱鐵門同集待菴軒次歷亭丈  
韻

江湖牢落總麇才到處難逢笑口開滿眼青山秋土老打頭  
黃葉酒人來深杯百罰何辭醉此事千秋莫便推聊作歌行  
歌主客黑雲堆墨又相催

積雨

三旬未有幾朝晴稱體綿衣尙覺輕湖上小桃三百樹一齊  
彈淚過清明

卷幔紫窗暗斷魂小樓長日似黃昏一春生恐忽忽過政要

焚香與閉門

徐 葵

字佩雲蘇州人諸生有澹如近草

戊午三月十一日陪王述菴錢竹汀兩先生潘農部  
蔣司馬段明府方臺山金雪槎王价人戈小蓮集袁  
君綬階漁隱小圃賞牡丹分韻得朗字

嘉客乘興過名花得雨長良會隨景光高懷藉跌蕩小亭登  
頓高仄徑延緣上表裏俯清池屈曲過書幌霞光蒸曲欄花  
叢謝塵埃枝枝麗于錦朵朵大如盃看花明老眼賦詩共吾  
黨雅韻蘭亭拈吟社月泉傲卽景寫性情豈止愜幽賞撰杖  
春風和縱日天宇朗名園幸追陪鄙懷異疇曩

喜雨詞

麥喜晴禾喜雨三麥收秧針吐一雨十日苦爛麥十日不雨  
愁枯禾麥田雨少秧田多太平時雨無差訛或歌天雨金或  
歌天雨玉不用呼人同踏車好向茅簷穩睡足

### 馬將軍歌

將軍諱定國官福建南路營守備康熙五十四年  
朱一貴之亂力戰殉難其孫鳳池述將軍遺事爰

### 作長歌記之

朝呼鴨莫呼鴨鴨興妖賊擐甲

一貴某農家子幼養鴨爲業每叱鴨鴨皆成伍愚民崇之遂擁之作亂

臺

灣城中將軍守臺灣城頭墮天狗海水起立飛妖氛將軍開  
城揮三軍跳刀走戟何紛紛十盪十決犇如雲何事城頭鼓  
聲死守陴軍爲賊人使將軍守土關存亡轉戰已無麾下士  
白首親兵也大成短衣匹馬相隨行賊人注矢弦不鳴環呼

將軍是好人我輩戒勿戕其生將軍聞言忽嗔喝賊不我殺  
我豈活急揮大成速突圍他日呼兒收我骨拔刀自刎血灑  
空以血塗玦玦盡紅手付大成成泣受身僵直立橫屍中賊  
人咋指盡羅拜是將軍者真鬼雄 天兵迅掃櫓槍犇大成  
幸保將軍門郎君間關歷戰地瞥見高冢鬼然存將軍義不  
葬賊手敢道骨寒今已久啟土爭看忽大驚異事流傳萬人  
口五十三日顏如生昔日刀癰痂結成吁嗟乎將軍忠勇信  
無敵將軍英烈真如神同時死難歐總兵歐陽凱許副將許雲馬將軍事  
未聞朝野大書特書不一書以告采風入史者

袁綬階招集漁隱小圃賞桂

城西桂花多勝境塔影

卽將軍今建白公祠

雲陰

在自蓮渚

常游教一爲僧寮

別墅苦無地主供香醪袁君漁隱築小圃圃中花木紛周

遭主人讀書常閉戶每逢花放招同袍臨池桂花數十樹枝  
爭與書樓高小山叢桂軒在五硯樓下深秋開作衆香國餘芳散徧楓江  
皐連朝陰雨忽開霽日光淡淡明堂坳滿庭芳透芍藥醬一  
林花滴珍珠槽鼻觀但聞香隱隱酒場不覺羣陶陶天公似  
爲花護惜特教我輩揮吟毫江干日暮促歸櫂寒山古寺鳴  
蒲牢

秋日書懷次南雅韻

雨風聲裏掩蓬廬兀坐悠然萬慮除畫虎羞邀名士目塗雅  
偶學古人書庭前野卉憑榮落天外浮雲自卷舒最是野王  
新句好夢來栩栩醒蘧蘧南雅句

王槐

本姓趙字茂階錢唐人監生有廢莪軒吟草

南海詩傳卷四十四

蒲褐山房詩話茂階因紫吳鹽寓居婁水然不善生殖每至屢空性好奇吟咏無聊賴則爲五七言以發之半騷困頓中亦往往肺腑植枿見于翰墨從蘇君加玉學詩大抵出入於賈孟皮陸而風骨嶙峋然獨傾心於余暇輒筆舟過訪談詩竟日而後去揆其品格當在逸民獨行之選也

先游東山至乾元宮

城中駐烟霞幽禽喚早起西山實奇崛反從東山始譬食甘  
蔗枝欲使味逾旨磴道盤高空梵宇隔塵市

山下俱禪寺游山者由寺後而登

林風卷衣裳雲氣潤膚理久未覩山色觸境皆可喜上登乾元  
宮突兀山頂峙水田布僧衣人烟聚甕底東望海一杯微茫  
辨沙沚西山隔城垣奇勝畧可指頗聞盛三春游人等蟲蟻  
時過不復尋經年絕游履乃知世事乖趨炎到山水山靈苟  
有知母乃抱深恥嗟余困塵寰愛山人骨髓今日始得償胸  
中聊一洗倘得一畝宮棄世真敝屣日落尋歸途烟凝暮山  
紫

橫山曉起

蒼松高矗天白日不到地忽聞竹雞聲游人不能寐徘徊草  
堂前山光擁朝翠胸懷淨緇塵衣袂流雲氣世人漫求仙神  
仙此何異

山川不在奇靜者得真味攜筇出門去信步隨所至春禽覓  
食喧松廳見人避所嗟不能畱烟霞空結契倘遂買山緣與  
世當永棄

王 豫

字應和號柳村丹徒人諸生有種竹軒集

蒲錫山房詩話柳村居潤州之翠屏峯下在大江南岸正直金焦江雲海月胡夕  
在几硯間故其詩情瀟灑超然物外僅與詞客梵僧扁舟來往顧數訪予三洲漁  
莊從容談雅得知其所造詩宗劉杳虛王龍標  
諸人長於五言古體古文亦似南宋人小品

城南訪鶴山

山空景蕭然以意適所至百折出暮烟一逕轉寒翠峭壁百丈懸風高石時墜黃葉斷溪流石橋通古寺遙見山人居雲房鼓松吹策蹇往造之但話桑麻事擬待梅花開同君十日醉

石湖小憇

閒遵石湖濱逕入湖邊寺四峯分夕陽一帆落空翠明鏡蕩

白雲風引荷香至緬彼盟鷗人

范石湖有盟鷗軒

逍遙此高寄淡然客

思清湖風吹薄醉

棲霞寺東峯

皓月出海上忽照東欄松露下衣袂寒石氣青濛濛昔聞明高士結屋棲茲峯或言九節杖化作青夫容遺跡渺莫覩崖壑秋烟封予將鍊金骨擬來餐紫耳



秋日寶蓮菴同吳樸莊作

高閣閱寒翠懸崖入大荒江光浮樹杪山色淡斜陽芳草不成夢蓮花何處香寤歌誠足樂况在水雲鄉

翠螺山

山抱螺磯壯江涵螺髻秋曉風吹翠雨都入謫仙樓此地足高詠蒼烟生古愁美人碧雲外疑挾鳳鸞游

初冬村居寫懷

愁絕鬢辭酒交多轉避名霜嚴凋樹色風冷助江聲茅屋少塵事田家多古情著書擬閉戶休更負平生

蔣炯

字葆存錢唐人諸生有蔣村草堂稿

蒲陽山房詩話葆存所居西溪西南十餘里山環水轉宅幽勢阻長松古檜梅花竹箭彌望無際中有陂田數千頃澄湖曲港復與烟嵐相間蔣氏聚族而居饒梗

稻魚蝦蟹橘之利屋數十椽聚書萬卷葆存摘蔬禽茗之外覃研鉛槧物外翛然  
詩學中晚唐散佚文學三蘇長于議論浙東西名士多聞名而訪之者高情朗志  
即不主風雅之盟亦  
當爲山澤之癖也

西溪舟行玩月

溪行隨岸轉面面與月遇月色不讓人當舟占先步羣山爾  
何來若與月爭赴寒翠半蒼茫渺若墮烟霧時見清輝流散  
在隔溪樹山盡月復來照見前村路

冷泉亭納涼同李光甫作

風泉生夜涼月上古松頂石亭無人行峰峰散秋影窅然倚  
迴欄心空萬緣淨入秋憚餘暑趨避暑無境誰知深山中四  
時水長冷僧廬如可借終年此習靜

冬暮自南塘歸杉墩

冬溪無近渡水澗港路斷湖迴遵古塘自午每及盱寒山若

迎人隱見殘蘆岸移時入前浦溪狹如在澗進退隨水勢微  
路爭一綫回思三月時桃花春水漫到門無十里快若坐雲  
漢隆寒、縮地脈勞逸乃縣判安得乘輕風揚帆去如箭

徐雪廬過訪草堂是日適探梅天柱山悵然有懷

我家鳳溪南君家鳳溪北溪水日夕深思君意無極相思不  
相見渺渺含春愁空留溪上月照君梅花樓種梅憶西溪探  
梅向天柱遲君盪舟來我又入山去九峰多白雲見梅卽思  
君欲折瑤華贈恨乏山中人歸來誦君詩清言敵瑤玖悵君  
不少畱醉我梅花酒梅花開又殘漠漠溪風寒春心欲飛渡  
愁隔大遮山

晚步西圩

明月溪上來照我柴門樹幽光散積翠因風化寒霧風定霧

旋合溟濛若無路林隙露溪光水月漾成趣安得命扁舟溯  
洄向前渡

響水巖

探幽步易窮緣澗屢得路潺潺不知遠導入泉深處巖迴澗  
復折巨石忽橫布至此羣流匯奔騰勢陡住雲根伏萬竅水  
脈暗傾注急若雲璈鳴清如玉磬度迴環無定響節奏自成  
趣趺坐臨長林靜聽發深悟山鳥時驚飛亭午滴殘露

西方庵觀雲海

西峰時險絕峭壁摩蒼穹宛轉陟梯級直下無留蹤僧庵若  
鳥巢鑿石安房櫳松煙落禪榻化作朝嵐濃虛檐納空曠萬  
山羅心角須臾見鋪海白雲生逢逢羣峰類萍浮出沒波濤  
中晃漾迸奇彩倒浴金輪紅積氣久始散漸辨天宇空振策

上崖嶠衣袂吹罡風

犁田曲

削木爲軌橫牛脊駕以長犁約三尺麻繩雙絡垂牛腰膝高  
水淺行易勞駕牛老翁頭盡白叱牛揚鞭雙蹠赤牛行在前  
翁在後人牛齊心復齊力雨犁水田土易勻旱犁阪田多苦  
辛牛毛半脫牛尾掉驅牛不行翁怒嗔歸來解牛放道左大  
牛嬉游小牛臥年年犁田無盡時問翁那不鬢成絲

何元錫

字夢華錢唐人監生候補主簿有秋神閣詩鈔

中秋後招同人集張園來青閣

西郭幽棲地尋秋倚薄醺柳疎先受月波靜欲歸雲旅雁還  
求侶沙鷗總戀羣何當樓上宿花雨看紛紛

淮陰約臺

劉項興亡代幾更釣臺三尺尚崢嶸  
早知推解翻成餌自願綸竿老此生  
渭水後車王者夢桐江高臥故人情可憐  
一樣投繯處只有淮流怒未平

姚椿

字春木華亭人監生有望雲集

蒲褐山房詩話春木無所師承而才情宏放正如天馬凌空不宜羈勒由是而充之則所謂詞源倒流三峽水兼陣橫掃千人軍足以繼吾鄉趙升之張策時而起也自蜀還其正值潢池寇驚直書所見有杜白新樂府之風予嘗勸其知古知今積為經濟無以尋章摘句搜僻珍奇至獮角麟類于萬牛毛也

舟發錦江

十八游京師出門道路長二十還成都入門拜家慶侍養及二年出入常在旁昔乘劍門馬今上錦江航此行分安穩反恐傷高堂東望陣雲塞阿翁猶巖褻文書事填委戎馬氣慨

慊若非急埽除病軀何能當阿母性淡泊不索甘旨營軍中  
及途中兩兩勞衷腸唯當勉加餐母使心旁皇我歸婦始來  
計程八千強今去婦如子何以事尊章無爲行役艱望遠意  
感傷

舟過長壽感賦

嘉慶之三載孟夏月上旬舟行發巴渝薄暮瀕江濱因思去  
年冬此邑遭黃巾傳聞意尙惻何況目睹真一山在城西廟  
宇黤不新不知何王宮樓觀棲微塵棟梁未盡圯階級猶可  
循劫火所偶遺此亦靈光倫折行入禹廟明德昭明禋謂當  
食萬年何意荒荆榛內有前縣令坐繫經年春守土弃土走  
何以腰垂紳諜告反得死何以謝萬民席前雙桂樹圍大容  
專輪曾見探丸來烈燄飛城闕我欲從之語無言獨含顰偶

焉遇牙郎爲我瑣細論自云有父兄同來達巴岷與君爲同鄉身亦江南人嗟哉爲利謀豈意遭難屯先是警風鶴寇至聞比隣令當靜境內大義慷慨申民心旣以安士氣亦以振常時乏備禦臨難猶逡巡游偵彼何辜乃向長流湮靜鎮爾豈能聞賊意則瞋城中擊鐘鼓城外叢棘藿此地高踞山其下爲通津寇來何坦如不用設距堙官守死其職去就民所遵縣令倉卒逃餘衆尤私身擠排大江中戢戢爲魚鱗親戚誰復知但聞呼救頻縣尉獨守廨平日頗寬仁賊渠知好官摧磨使之馴願爲厲鬼死氣結不復呻元戎率滇師解圍策加神首問失城罪有喙何能伸章綬宜在腰積貯宜在囤犴狴宜有囚庫藏宜有銀一一皆自服繫俟軍事竣獨惜十萬家一炬胥泯泯至今月黑時野濶飛青燐衆耆化爲少富者



化爲貧弟行尋其兄兒啼號其親身亦有父兄欲問無由詢  
孤身客作鄉已矣長含辛吾聞此言悲涕泗橫無因蜀中苦  
兵久惟有呼昊旻作詩紀姓氏尉張令則陳生者戒守吏死  
者勸爲臣

### 上聞天鋪

朝過牛皮箐暮過聞天鋪兩險皆絕倫我行一朝暮爲貪利  
涉途勇往力須努巉巖排雲起曲徑屢愁誤一氣數十折輿  
石兩觸迂輿旋竟無地石滑不受屨其間土扶寸插腳僅能  
步出險心稍夷不敢重回顧所恐記憶真夢魂醒猶怖前臨  
走九坂輟絕下山路

### 十二夜幾失道隨月行二十里許夜半乃達旅店

水行月暮春陸行旬初夏朝發迎日東夕宿已及夜奇險飽

已經氣結不能咤初疑連岡斷謂是達平垧豈知岸勢失輿  
從出石罅輿底擊有聲石巨步難跨前升後益俯趾高身乃  
下危橋彌淩兢僅以二木架飛流百道泉其下迅噴瀉舉足  
足退縮欲進無可藉鴟鵂如兒啼作意使人怕此橋割然裂  
此身與之化空山人煙稀秉燭向誰借天帝知我愁亟遣素  
靈迓雲中爛銀盤何異夜珠假崖根行復息彳亍達旅舍作  
詩記涉險浩歌淚盈把

### 過垧

楚南但苦旱勿憚水荒游此中有健者激水使之濺中流峙  
巨垧一里數回旋鑿舟聲若灘灌田利同堰水車圓如環四  
角相貫穿雙木丁字橫虛中受以轉出水幾丈餘倒向岸頭  
捲天風吹不動飛雨灑白練鏗然琴箏鳴水樂奏一片船從

東南來輕舸苦難牽我行船稍巨懷安意所便長年自云強  
久行勿辭倦毋爲小敵怯出死力與戰哀哀邪許聲聲盡不  
能囓叢叢短木立記里如置傳船底寧有棧相觸響忽遍篙  
師據地撐自顧性命賤却羨下水船急卸速于箭

見山中采煤者以詩告之

五行火無質乃自佗物掇油與薪炭外煤賤利莫奪惟患伐  
取艱山根恣搜括洞深杳無底洞口丈餘濶墮落黑海中側  
足無路達斧斤聲丁丁地脈刻意割十步置一鐙照見腓無  
賊冥行歷寒暑食盡耐饑渴掘久山骨空當頭壓肩骸生理  
獨何辜一崩百夫闕或鑿水脈通橫流勢難遏受此山水災  
九死一或活面目誰復識皮骨便疑脫錢刀亦錙銖性命竟  
豪末無煤用猶濟無生意所怛我欲封此山毋使山靈聒

瀘州聞滇黔官兵過境

城中擾攘雞犬呼城外慘澹人煙無官行索吏吏走匿市兒  
大號兵過途兵來滇黔亦非遠一身無功意驕蹇前驅供頓  
聲勢張役夫嗷嗷日將晚欲來不來行遲延口索夫馬意索  
錢倉卒使爾悞軍限高貲急納充腰纏可憐縣官受嗔責吾  
爲爾民來殺賊此曹平時性命輕身到疆場反愛惜蜀道當  
關重一夫頻年征調困軍租却思丞相天威遠六月炎蒸此  
渡瀘

夜泊醴陵

山勢低連岸江聲曲抱城晚霞天五色新月夜初更柝斷還  
鄉夢帆催去楚程愁聽笛中調辛苦怨南征

卻寄沈州判

東陽才子久從戎，把首韓刀氣轉雄。  
萬里行吟孤露後，半生遺恨履霜中。  
狂能慢世醒猶醉，詩到窮人拙亦工。  
莫爲近來豪興減，渭城無暇唱惓惓。

將抵龍潭

山行十日憚途長，暫喜嚴程此卸裝。  
身帶雲歸衣向溼，林吹雨過草微香。  
尋詩境每招奇句，出險人如到故鄉。  
撇却蠻中風景劣，扁舟直爲下辰湘。

枕上口占

寂寂徒供鄧禹嗤，飄飄未受馬卿知。  
狂緣病減先嘗酒，嬾與愁兼久廢詩。  
春色二分人去後，雨聲一夜夢回時。  
無端驚聽簷前鐵，猶道軍書劍外馳。

楊文孫

李秀實海寧人諸生有述鄭齋詩鈔

紫雲洞

空青孰壁碎腹裂下疑井峭聳驚鬼工竊窾異人境短筇力  
安恃步跼不敢猛石縫陰飈吹颼颼入肌冷圓穴耿微光一  
綫透巖頂翻訝造化力有意示奇警虛房滴乳泉佇聽心亦  
靜轉轉出幽竇驚魂夢初醒

同蔣蔣邨

炯遊西溪

夙願慕西溪茲遊出意外同心得蔣詡杉艇喜共載緩懼緣  
溪流岸曲繞如帶十里無行人水竹互向背遠翠肯飛來隨  
雲共明晦魚鳥亦習靜忘機自相對漸入彌覺佳峒川境疑  
在意慙已忘歸興劇幸無礙去舟尙遲遲暮山忽晚暝

陳曼生

鴻壽

招同人集第一樓分韻得鳥字

尋幽踐宿諾理楫及清曉隔浦聞漁歌客來狎鷗鳥同心得  
數子登樓豁襟抱林霏淡成烟山容靜逾悄百五風日佳斯  
遊覺彌好歸櫂故遲遲鐘聲隔雲表

上述菴先生

當時小謫賦從征戎幕曾隨萬里行磨盾千言朝草檄飛書  
一紙夜徵兵金沙缺壁移師地雅雨黎風作客情勲業于今  
爍天壤更教絕域震威名

鄭學齋中萬卷儲精研秘籍總膏腴禮詳郊禘宗高密易辨  
著爰祖上虞任筆沈詩當代重驚湖鹿洞衆材趨問奇擬載  
元亭酒可許侯芭侍座隅

吳引年

字子長錢塘人諸生有益壽室初稿

蒲湖山房詩話按侯一字靈壽少年多病常有憂生之歎謁余於西湖  
梅莊以詩見示大抵前仿襄陽後仿昌穀清詞妙旨人所應無盡無

曉出清波門至長橋

夜雨霽山郭松翠曉猶滴徑路聊延緣芒屨因之濕古塔接  
雲氣空亭聚野色寓目皆天機去住任所適崑樓願久違塵  
網苦見逼不及釣魚人湖灣獨吹笛

青煥外舅游台山歸以黃精見餉

偶隨白雲去忽與飛鳥還雲鳥亦超忽安知心更閒囊中有  
仙草采之自名山謂我久服食可以駐紅顏

舟過五里塘

遠樹鬱蒼蒼揚舫向野塘風吹涼雨過一路藕花香客在閒  
鷗外興隨流水長相將有漁父垂釣亦徜徉

游雲居寺懷胡庾香



蕭寺舊相識今來獨欵扉秋風下古堞涼氣滿生衣佛其踈  
花靜僧先宿鳥跡悵然天末望所惜故人違

蔡元春

字芷衫江寧人諸生有在山堂詩集

初夏同人集翦湘巢

城陰得小閣窗臨溪一灣誰施快翦刀翦此碧玉環草樹蕩  
空水新綠澄爲潭湘簾一以卷湘雲落其間主人謝塵事愛  
客復愛閒坐中吳越彥風雅同追攀搖風有叢葦窺烟來白  
鵬却憶老居士看山猶未還

謝蓬門先生

李將軍射虎圖歌

將軍伉爽真神武猿臂善射誰能伍失職家居頓足舞躍馬  
出射南山虎是時太陰爲震怒夜半盲風雜怪雨脫幘大呼

勇可賈熊羆早已空林莽萬竅怒號草木豎依稀有物憑陰  
阻意石爲虎爪牙踞猛氣橫穿石氣腐石死不濡血一縷朝  
來見石石飲羽大笑疑飛馬陵弩靜念身爲北平主長城坐  
鎮如安堵亦曾提兵從幕府幾回投石更超距七十戰中驅  
虎旅刁斗自鳴人不語却恨生平建旗鼓數奇未得當前部  
聲如霹靂目如炬彎弓不殪單于父射馬射人百夫禦如何  
棄置當強虜鳴鏑荒郊偶一舉裂背空看鐵色土吁嗟乎君  
不見將軍射石石俱古衛青李蔡終狐鼠

登長干寺塔

身無羽翼飛不能平地瞪視秋空鷹偶遊長干逢老僧指示  
古塔試一登茲塔雄麗衆所稱赤烏永樂剏建仍丹樓紺殿  
梯層層金碧之氣空中蒸振衣直上雙眸疑俯視一切殊自

矜三山迢遞排岡陵六代宮闕幾廢興江搖素練何奔騰長  
烟皓月同清澄誰摘天星綴以繩天女入夜燃神燈燭來御  
風兩腋乘放眼世外感不勝塔從前代始崇宏爲母資福金  
錢增吾謂孝治理可徵橫天塞地大業升式廓丕基孫子承  
齊梁佞佛輒當懲此宰堦波安足憑忽發高言俗且憎遙聞  
大笑如蒼蠅

古道

九折原通蜀千盤復向秦可憐嘶老馬長此怨離人冰雪關  
河氣風塵豪傑身年年楊柳發猶自傍前津

秋鐘

萬籟當秋肅聞鐘意渺然一聲清夜氣餘響入霜天古寺僧  
看月寒山客在船此中發深省空外道心傳

讀蕭相國世家

曾無奇節逐羣雄  
早附真王起沛豐  
秦代圖書歸掌上  
漢家根本在關中  
獨追韓信知英傑  
却薦曹參化黨同  
諸將紛紛誇汗馬  
誰能第一奏元功

袁文揆

字時亮保山人貢生官甘肅縣丞有食蛤吟

蒲蜀山房詩話永昌袁氏家風醇謹子弟咸能讀書致品乾隆己丑余以籌軍駐其地時亮同其羣從咸來受業讀中風雅久哀今以詩鳴者蔣太史鳴鹿陳明府文錦及時亮而三人皆出子門下時亮又撰滇南詩畧二十四卷遺文舊事稍存十一亦足爲邊隅文獻

安肅阻雨

客從新樂來臨河  
方躑躅及茲安肅縣  
霖雨復相續銀河倒  
奔流通衢竟爲谷  
襪被盡淋濕懷駒等局促  
主人勸客飲言姑進醺醺  
今年秋夏交橫潦  
害百穀可憐禾麻地  
河魚來聚

族難言竈下薪况問瓶中粟且喜免官稅吏胥莫予毒請客  
更停駕泥塗亦窘足嗟哉農家子苟完更何欲寄語遠遊人  
何年安葑屋

西巖夜泊

擬傍魚翁宿西巖有數家寒江明遠火絕壁動棲鴉衣薄風  
兼入篷低雨易斜今宵故園夢應在水之涯

客舍獨坐有懷

客心怯邊塞歲序又將終日薄晴飛雪山多夜吼風孤吟倍  
騷屑短夢只倥傯前夕君猶共寒匏勸屢空

晚過天心湖

秋色蒼茫接洞庭擎蘭何處弔湘靈日沉天際雲全紫月到  
波心烟更青四顧杳無山露影三更徐快客揚舲生平久有

江湖興不待而今讀水經

舟發大孤塘得順風

樓頭縹緲與雲平  
風轉帆檣曙色清  
纔見雲端移塔影  
便從山下聽鐘聲  
地連吳楚分秦郡  
水合江湖下皖城  
最喜小孤先入望  
曉烟霏處櫂歌行

胡笥年

字珥章歙縣籍監生僑居太倉有曙戒軒詩鈔

晚過青浦

適從吳淞來江水淨如練  
扁舟信晚風淅淅乘潮便  
遠火漾中流孤城辨鄉縣  
但看雉堞移不覺清流轉  
九峰暮煙沉螺髻迭隱現  
愛此宵景幽欲臥有餘戀  
回首隔市囂鐘聲起禪院

晚步韜光北徑

適從鷺嶺來散步韜光麓山水向夕佳映此萬竿竹石徑歷  
盤紆到眼無雜木天風時一拂清竚滿虛谷僧歸落照間鬚  
眉忽已綠更聽引泉遙泠泠漱寒玉一笑別此君茲遊可醫  
俗

蘇餐霞點定拙稿并辱賦詩見贈率成長句一律

僻耽毫素寄遐心把臂蘇髯許入林自覺有情多感慨非關  
無病作呻吟劍光每向宵中發琴理還從絃外尋引我狂言  
莫相笑古來難得是知音

湖海詩傳卷四十四